



SA ISANG PAGHAHANDA

SI Maring, na dalawang buwan pa lamang nakakasal, ay nakaisip na siyang mag-anyaya naman sa ilan niyang mga dating kasamahan sa opisina, upang sila'y mahandugan ng isang munting salu-salo at tuloy maipagpangalan ang kanyang bagong tahanan at mga bagong kasangkapan na karamiha'y mga finanggap niyang regalo sa kasal. Dati siyang takigrapa sa isang malaking kawanihan at doo'y may mga kasamahan siyang higit na napatangi sa kanya kay sa ibang mga nagsisipag-trabaho roon: sina Anding na teleponista, Rita na kahera at Tindeng na tulad din niyang takigrapa. Ang una'y isang balong may dalawang anak samantalang ang dalawa'y mga dalga pa hangga ngayon. Halos magkakasinggulang silang apat at bago siya mag-asawa, ay lagi silang magkakasabay sa pagkain ng kani-kanilang baon kung tanghali. Nang mag-asawa si Maring, ang tatlo niyang kaibigan ito ay nagsipagbigay ng mainam na alaala bukod pa sa naiabuloy nila sa ginawang ambagan ng lahat ng kawani sa kanilang pinapasukan, na ang kabuuan ay ibinili ng isang mainam na huwago ng silya at

mesita, na siya nila ngayong ginagamit sa salas ng kanilang munting tahanan ni Teo, na kanyang kabyak.

Sinabi ni Maring kay Teo ang kanyang nais at ito nama'y madalang pumayag. Batid ng lalaki kung gaano ang pagtitinginan ng apat na dating magkakasamang ito at nahuhulaan din niyang ngayon pa ma'y tila na hinahanap-hanap ni Maring ang dati niyang buhay-kawani at ang dati niyang pakikisama sa kanyang mga kaibigan.

—Dapat nating anyayahan dito ang pinakamalalapit nating kaibigan — ani Maring kay Teo, —lalo na yaong mga nagsipagbigay sa atin ng regalo. Nguni't uunahin ko sina Anding at sila ang higit sa lahat na malapit kong kaibigan. Saka natin isunod ang iba. Apat-apat lamang at hindi natin sila mapagsasabay-sabay. Una'y napakalaking gastos kung biglaan ang paghahanda. Ikalawa'y maliit namang totoo itong

ating bahay para sa malaking piging. Ikatlo, kulang ang ating kasangkapan.

—Ikaw ang bahala! — sangayon ni Teo, saka pa sinundan ng biro: — Nais mo lamang yatang magpasikat, eh! Gusto mo lamang patunayang mahusay kang magluto bukod sa mainam maggayak ng bahay!

Upang lalong masiyahan ang tatlong kaibigan ni Maring ay naisipan ni Teo na huwag siyang "makigulo" sa handaang idudulot ng kanyang kabyak. Batid niyang nanaisin nilang apat ang makapag-"solo" at nang makapagbali-taang mabuti. Sinabi niya kay Maring na sa takdang araw ay hindi siya puwi ng tanghali at bayaan niyang silang apat lamang ang magkasama-sama. "Kayo ang bahalang mag-tsismes dito; ako'y sa may opisina na kakain."

Gulung-gulo si Maring sa kanyang paghahanda, kahit na tatatlo lamang naman ang kanyang magiging bisita at pawang mga ka-


palagayang-loob pa. Nais niyang makita ng tatlong ito na siya'y maligaya sa kanyang buhay-may-asawa: na mainam at maayos ang kanyang bahay at mahusay siyang mamahay.

Isang linggo pa lamang bago sumapit ang takdang araw, ay inisip niya ang menu o kabuuan ng mga pagkaing kanyang ihahanda. Ito ang naisip niya:

Sopang Itlog
Ensaladang Upo
"Litson-litsunan"
Chuletas na Keso

Prutas at matamis na Makapuno

Ang sopas sa itlog ay madaling gawin, kaya't siya niyang pinili. Kailangan lamang ay ilang buto ng karne na karaniwang gamitin sa nilaga o sinigang. Pinakukulan upang kunan ng katas at ang pinagpakuluan ay hinahaluhan ng tabletas na pampalasa na nabibili sa lahat ng dako, na kung tawagi'y "vechin". Ito'y upang lalong maging malasa ang sabaw. Sa bawa't tasa o pinggang malukong na pag-aahinan ng sopas ay kailangan ang isang itlog. Babatihin ng bahagya sa bawa't tasa at kapag oras na nang pagkain ay bubusan ng mainit na sabaw



Ang isang babae ay ganap na makikakata sa pag-aayos ng tahanan at sa mabuting pagluluto ng mga pagkain.

nang dahan-dahan; hahaluin ng kaunti, saka bubudburan sa ibabaw ng bawang na binayong pino at tinusta sa kawali, tulad ng ginagamit sa lugaw na ginisa.

Ang "Litsun-litsunan" namáy luto sa hurno. Sa kabutihang-palad, ang isa sa mga tinanggap na regalo sa kasal ni Maring ay isang machit na hurno na naipapatong sa kusinilyang "de electricidad", at napaglulutuan ng mga mamon at iba pang lutuing pang-hurno.

Bumili siya ng tatlong kilong baboy na ang pinili niya'y yaong malamang bahagi ng balikat. Ito'y inilagay niya sa isang kaukulang lutuang-pang-hurno at saka niya isinalang. Sinamahan niya ng kaunting tubig na sapat lamang upang huwag masunog o kaya'y manikit ang baboy sa kinalalagyan. Mayamaya ay sinagap ang katas na pumapatak sa ibabaw ng lutuan at ipinapahid iyon sa buong paligid ng baboy. Gayon din naman, pinaikit-ikit niya ang baboy sa lutuan upang magpantay ang luto.

Nang luto na ay isinalin niya ang baboy sa isang bandehado. Samantala, ang katas na nalabi sa pinaglutan ay binawasan niya hanggang sa ang malabi lamang doon ay mga ikaapat na bahagi ng isang tasa. Sinamahan niya ito ng dalawang tasa ng mainit na sabaw na nalabi sa ginawa niyang sopas, saka isinalang ang lutuan at pinakuluan. Habang pinakukuluan, kanya namang kinakayod ng isang sandok ang mga tagiliran ng lutuan upang magpas at matunaw ang mga nanikit doong katas ng baboy na nilitson.

Sa isang munting tason, siya'y tumakal naman ng apat na kutsarang harina. Ito'y sinamahan niya ng mga tatlong kutsarang tubig na malamig, saka hinalong mabuti upang huwag magbugalbugal. Nang napakalapot na ay sinasamahan niya ng bahagya pang tubig na malamig. hang-

SARUNG BANGGI...

(Nasa pah. 19 ang karugtong.)

ang tatlong ni Rosa pagká't noon lamang niya napag-ukulan ng pansin ang binatang yaong náda-daán-daana'y hindi man lamang alumana.

—Fernando Flores po—ang nahihiyá-hiya namang sagot ng binata.

—Nag-aral ka ba ng pag-awit? —ang tanong pang pinalálambing ni Rosa ang kanyang tinig sa pagsasalita at sinisimulang akitin ang bagong kakilala.

—Hindi po—itinugon ni Marina pagká't ang nais niya'y máipag-hambog agád ang katangian ng kasintahan,—katutubo po ang kanyang tinig at... náibigan po ba ninyo ang kanyang inawit?

—Oo, magandá, ano ang pangalan?—ang sabád namán ng direktor.

—Si Nanding din po ang may likha—ang pagtatapat na ni Marina,—at pinanganlan namin ng Sarung Banggi.

gang sa ang kaayusan ay tila gatas kung ibuhos.

Nang matindi na ang kulo ng sabaw ng litsun ay inihalo ang arina at ang pinagsama'y hinalu nang hinalo hanggang sa maging "pantay". Tinimplahan ng asin at paminta na sapat sa panlasa. Ito ang pinakasalsa ng "litsun-litsunan".

Ang "Chuletas na Keso" namáy mga hiniwa-hiwang keso "de bola" na tinalupan at inalisang ng pulang balot. Bawa't tahada ay binabalot na mabuti sa buong paligid ng arina saka itinutubog sa binating itlog at pinagugulong sa dinurog na biskotso, bago ipinipirito sa mantika. Kailangang maliksi ang pagpipirito nito at mādalian lamang; ni hindi dapat maging tustado. Kailangang ang malutong ay ang labas lamang at ang loob ay malambot.

—Sarung Banggi?—ang ulit ng direktor.—Ano namán ang kahulugan niyan?

—Isang Gabi!—ang paliwanag ni Fernando.—Gabi po nang aking málikha, at...

Nagtinginan siná Marina at Nanding. Nápatigil sa kanyang pagsasalita si Nanding pagká't pinisil ng kasintahan ang kanyang palad. Ayaw nitong mállahad niyon ang dahilan kung bakit nálikha ang tugtuging pinag-uusapan.

Walang nalilingid sa mga paningin ni Rosa; kitang-kita niya ang pagpipisilan ng mga kamáy ng dalawá at ang matamis na pagngingitan. Náhulaán niya agád na ang dalawá'y magsing-ibig.

Walang kakibu-kibo si Alfonso. —Maupo kayo rito—ang alok ni Rosa at siya'y umurong upang mapalikmo sa tabi niya si Nanding.

Napilitang tumindig si Alfonso pagká't kung hindi pa siya áalis ay makapagbabastos lamang sa (Nasa pah. 39 ang karugtong)

Ang ensalada ay madali: upong tinalupan at hiniwa ng pinungpino saka inasnan at tinimplahan ng asin, suka, kaunting asukal at paminta. Ang kasamang sangkap ay hiniwa-hiwang kamatis at sibuyas "tagalog".


Sa madaling sabi ay naging mainam ang munting handa ni Maring at lubos na nasyahan ang tatlo niyang kaibigan. Bakit ay panay na bago ang ginamit nilang kasangkapan: ang mga pinggan, kubyertos, baso, at pati ang mantel at mga serbilleta. Naging masayang-masaya sila at nang umuwi ang tatlo, ay pinag-usapan nila si Maring na, bukod daw pala sa mabuting kawani ay mainam ding mamahay.

—Talaga nga namang sa pamamahay napatotohanan ang ganap na pagka-babae ng isang babae—ang nawika nilá pagkatapos.—#

Ang Naiibigang Pelikula ng "Snapshot" Sa Pilipinas!



KODAK VERICHROME



NASA KILALA NANG DILAW NA KAHITA

Sapagka't kumukuha ito ng larawan sa may araw o lilim, maliwanag o kulimlim ang panahon.

Ang Pelikulang Verichrome ng Kodak ay bagay na bagay sa pagkuha ng mga larawan sa labas. Ito'y kumukuha ng mabubuting "snapshots" sa pagbukang-liwayway sa umaga o pagtatakipsilim sa hapon, binabawasan ang inyong maliilit na kasiraan sa pagkuha.

Makipagkita kayo sa inyong tagapagbili ng Kodak ngayon. Isang bagong pabimn ng Pelikulang Verichrome ng Kodak ang katanggap lamang.

Kodak Philippines, Ltd.
104-13th St., Port Area, Manila

PINANANAGUTANG URI... LAGI



Pinayaman ng purong Bitamina D3, ang Gas Ebaporadang Darigold ay higit na itinatabil para pagkain ng sanggol. Ang gatas ukol sa inyong sanggol ay kinakailangang maging mabuting gatas—ligas, maaasahan, masustansiya. Ang Darigold ay pinananagutan sa mga kataangiang i.o!

DARIGOLD Evaporated Milk.

Tanging

Kinatawan: MARS MAN & CO., INC.—TRADING DIVISION

Trade & Commerce Bldg., Manila, Tel. 2-73-00. Sango: CEBU—ILOILO—DAVAO